

陽春集 草窗詞

長

4082.5

2714.1

陽春集

朱

友仁

詞

國立臺灣大學圖書館典藏

由國家圖書館數位化

1342103

陽春集

米友仁元暉

臨江仙

昨夜扁舟沙外艤
淮山微雨初晴
斷雲飛過月還明
一天風露重
人在玉壺清
水際不知何處是
遙林□辨
微青醉迷歸夢強
□凌誰言東去鴈
解寄此時情

小重山

醉倚朱欄一解衣
碧雲迷望眼
斷虹低近來
休說帶寬圍
人千里
還是燕雙飛
深院日初遲
綺窗簾幙靜
恨

生眉不堪虛度是花時鴻來速爭解寄相思

減字木蘭花

柳塘微雨兩兩飛鷗來復去倚徧重欄人在碧雲山外
山一春離怨日照綺窗長幾綫酒病情魔兩事春來
無柰何

點絳脣

浩渺湖天酒浮黃菊攜佳侶澹煙疎雨去魯方懷土
傾蓋相逢引滿哦奇語山圍處兕觥頻舉不醉君無去

漁家傲

從古荆溪名勝地溪光萬里琉璃翠極望荷花三十里
香噴鼻我舟日在花間艤 向晚餘霞收散綺遙天抹
黛天如水滿引一尊明月裏風微起蕭然真在華胥氏

阮郎歸

小舟載酒向平湖新涼生曉初亂山煙外有還無王維
眞畫圖 風遽起動襟裾雨來荷濺珠一尊相對喜君
俱醉歸紅裏扶

臨江仙

一曲陽關腸斷處臨風慘對離尊紅妝揭調十分斟古

來多聚散正似嶺頭雲
昨夜晴霄千里月向人無限
多情娟娟今夜滿虛庭
一帆隨浪去却照畫船輕

醉桃源

螺夢初回栩栩柳岸幾聲鶯語
蘋末起微風山外一川
煙雨凝顧凝顧人在玉壺深處

南歌子

遇酒詞先舉逢山眼暫明
一川風雨縱畱人不道此郎
歸興欲兼程客久情深
尋歡恨不能繩牀頓睡夢
縱橫賴□□□□□

漁家傲 和晏元獻韻

郊外春和空散步百花枝上初凝露
福地神仙多外府
藏奇趣幽尋歷徧溪邊路
薄宦浮家無定處萍飄梗
泛前人語與子未須鄉國去來同住
且看羣岫煙中雨

念奴嬌

邨居九日

九秋氣爽正溪山雨過茅檐清暇
籬菊妍英知是爲佳
節重陽開也色妙香殊勻浮甌面
俗狀卑金尊歌狂飲
俊滿簪還更盈把
邨外草草杯槃邊塵不動欲買應
無價端使晴霄風露冷雲卷煙收
平野向晚嬋娟半輪

斜照想見成清夜玉山頽處要看欹帽如畫

臨江仙

寶晉軒窗臨望處山圍水繞林縈不堪回首到江城牆
跌圍瓦礫鷗鷺見人驚日願太平歸舊里更無餘事
關情小營茅舍倚雲汀四時風月裏還我醉騰騰

阮郎歸

碧溪風動滿文漪雨餘山更奇淡煙橫處柳行低鴛鴦
來去飛人似玉醉如泥一枝隨鬢欹夷猶雙槩月平
西幽尋歸路迷

山寺臨江仙

野外不堪無勝侶，笑談安得君同。四時景物一壺中。醉
餘臨望處，遠岫數重重。溪上新荷初出水，花房半弄
微紅。曉風蕭爽韻疏松。娟娟明月上，人在廣寒宮。

念奴嬌

裁成淵明歸去來辭

欄干倚處戲裁成，彭澤當年奇語。三徑荒涼，懷舊里，我
欲扁舟歸去。鳥倦知還，寓形宇內，今已年如許。小窗容
膝，要尋情話親侶。郭外粗有西疇，故園松菊，日涉方
成趣。流水涓涓，澗上雲繞奇峯，無數窈窕。經丘風清

陽春集
月瞭時看煙中雨蕭然巾岸引觴寄傲衡宇

醉春風

一陽來復羣陰往吾道從今長萬事莫關情月夕風前
依舊須豪放 卿雲舒卷浮青嶂從古書珍賞滿引唱
新詞春意看看又到梅梢上

小重山

雨過風來午暑清榴花紅照眼向人明一枝低映寶釵
橫菖蒲酒玉椀十分斟 引滿聽新聲小軒簾半卷遠
山青幾人閒處見閒情醒還醉爲趣妙難名

訴衷情 淵明詩

結廬人境羨陶潛
車馬不來喧勝處
自多真趣飛鳥日
相還 心既遠地仍偏
見南山手持菊
潁山氣常佳欲
辨忘言

紹興戊午中春初七日懶拙道人得守滁陽既老則
懶遂請宮投閒泛舟來平江大姚邨過謙之於莊舍
乍朝來居深邨灑然如濯清風於三伏畏暑中其爲
快有不可勝言者大恨未能增置百斛尚依微祿以
哺孥稚未能便納政爲閒客相從雲水間耳豈非老

陽春集
業家女甥索書此柔毫頑悍作書不成略無可觀是
月十三日 元暉

元暉以墨戲繼武南宮詞翰惜不傳於世此卷爲
其自書小詞南宋時藏金陀岳氏錄存寶真齋法
書贊中予近年始獲見之亟爲刊訂以補樂府之
遺尚惜竹垞先生不及收入詞綜耳通介叟鮑廷

博書

陽春集

卓
牕
詞

草窗詞卷上

弁陽嘯翁周 密 公謹父

楚宮春

牡丹

香迎曉白看煙佩霞綃弄妝金谷倦倚畫闌無語情深

嬌足雲擁瑤房翠暖繡幕

笛譜帳

捲東風傾國半捻愁紅

念舊遊凝佇蘭橈

笛譜翹

瑞鸞低舞庭綠 猶想沈香亭

北人醉裏芳筆曾題新曲自翦露痕移取春歸華屋絲

障銀屏靜掩俏未許鶯窺燕

笛譜蝶

宿絳蠟良宵酒半闌

重遶鴛機醉靨爭妍紅玉

大聖樂

東園餞春

嬌綠迷雲倦紅鬢曉嫩晴芳樹漸午陰簷影移香燕語
夢回千點碧桃吹雨冷落錦宮人歸後一作冷落錦宮人歸後似誤記
前度蘭橈停翠浦凭闌久謾凝想一作鳳翹慵聽金縷

留春問誰最苦柰花自無言鶯自語對畫樓殘照東
風吹遠天涯何許怕折露條愁輕別更煙暝長亭啼杜
宇垂楊晚但羅裏暗沾飛絮

渡江雲

三犯

再雪

冰谿空翠晚蒼茫鴈影淺水落寒沙那回乘夜興雲雪

孤舟曾訪故人家
干林未綠芳信緩

笛譜

玉照霜華共

凭高聯詩喚酒
暝色奪歸

笛譜

鴉

堪嗟

二字笛譜作上段煞尾

漸鳴玉珮山護雲衣
又扁舟東下想故園
天寒倚竹裏
薄籠紗詩筒已是經年
別蚤暖律春動香葭
愁寄遠溪
邊自折梅花

露華

憶別和寄閒韻○案蘋洲漁笛譜題云次張

暖銷蕙雪漸水紋漾
錦雲淡波容

笛譜

岸香弄蘂新枝

輕裊條風次第燕歸
將近愛柳眉桃靨
煙濃鴛徑小芳
屏聚蝶翠渚飄鴻
六橋舊情如夢
記扇底宮眉花下

游驄逸歌試舞連宵戀醉瑤笛譜叢怕裏早鶯啼醒問

杏鈿誰點愁紅心事悄春嬌又入翠峰

繡鸞鳳花犯

賦水仙花

楚江湄湘娥乍見無言灑清淚澹然春意空獨倚東風

芳思誰寄凌波路冷秋無際香雲隨步起謾記得漢宮

仙掌亭亭明月底冰弦寫怨更多情騷人恨枉賦芳

蘭幽芷春思遠誰笑

笛譜

賞國香風味相將共歲寒伴

侶小窗淨沈煙薰翠被

笛譜

幽夢覺涓涓清露一枝燈

影裏

探春慢

脩門度歲

綵勝空春翠盤消夜客裏暗驚時候翦燕心情呼盧音

笛譜

笑語景物總成懷舊愁鬢如垂楊蚤

怪笛譜

穉眼漸濃

如豆儘教寬盡春衫畢竟爲誰消瘦梅浪半空如繡

便管領芳菲忍辜詩酒映竹占花臨窗卜鏡還念歲

笛譜

嫩

寒宮裏簫鼓動春城競點綴玉梅金柳斲勾元宵燈

前共誰攜手

瑤花慢

瓊花

朱鈿寶玦天上飛瓊比人間春別江南江北曾未見謾

擬黎雲梅雪淮山春晚問誰識芳心高潔消幾番花落
花開老了玉關豪傑 金壺翦送瓊枝看一騎紅塵香
度瑤闕韶華正好應自喜初識長安蜂蝶杜郎老矣想
舊事花須能說記少年一夢揚州二十四橋明月

夜合花

茉莉

月地無塵珠宮不夜翠籠誰煉鉛霜南州路杳仙子誤
入唐昌零露滴溼微妝逗清香蝶夢空忙梨花雲暖梅
花雪冷應如秋芳 虛庭夜氣偏涼曾記幽叢採玉素
手相將青鞋嫩萼指痕猶映瑤房風透幕月侵牀記夢

回粉豔爭香枕屏金絡釵梁絳縷都是思量

玉京秋

秋思

煙水闊高林弄殘照晚蜩淒切碧砧度韻銀牀飄葉衣
溼桐陰露冷採涼花時賦秋雪歎輕別一襟幽事砌蛩
能說客思吟商還怯怨歌長瓊壺暗缺翠扇恩疎紅
衣香褪翻成銷歇玉骨西風恨最恨閒却新涼時節楚
簫咽誰倚西樓淡月

采綠吟

遊湖

采綠鴛鴦浦畫舸水北雲西槐薰入扇柳陰浮槩花露

侵詩點塵飛不到冰壺裏紺霞淺靨

笛譜

玻璃想明璫

凌波遠依依心事寄誰

移棹艤空明蘋風度瓊絲霜

管清脆咫尺挹幽薌悵隔岸紅衣對滄洲心與漚閒吟
情渺蓮葉共分題停杯久涼月漸生煙合翠微

解語花

春晴

晴絲罥蝶暖蜜酣蜂重簷捲春寂寂雨萼煙梢壓闌干
花雨染衣紅溼金鞍誤約空極目天涯草色闌苑玉簫
人去後惟有鶯知得餘寒猶掩翠戶梁燕乍歸芳信
未端的淺薄東風莫因循輕把杏鈿狼藉塵侵錦瑟殘

日綠窗春夢窄睡起折花無意緒斜倚秋千立

曲游春

游西湖

禁苑東風外颺暖絲晴絮春思如織燕約鶯期惱芳情
偏在翠深紅隙漠漠香塵隔沸十里亂絲

笛譜
茲

叢笛看

畫船盡入西泠閒却半湖春色 柳陌新煙凝碧映簾

底宮眉隄上游勒輕暝籠寒怕梨雲夢冷杏香愁幕歌
管酬寒食柰蝶怨良宵岑寂正滿湖碎月搖花怎生去
得

大聖樂

重午

虹雨霓

笛譜
露

風翠縈蘋渚錦翻葵迳正小亭曲沼幽深

簟枕夢回苔色槐陰清潤暗憶蘭湯初洗玉襯碧霧籠

綃垂蕙領輕妝了裊涼花絳縷香滿鸞鏡 人間午遲

漏永看雙燕將雛穿藻井喜玉壺無暑涼涵荷氣波搖

簾影畫舸西湖渾如舊又菰冷蒲香驚夢醒歸舟晚聽

誰家紫簫聲近

桂枝香

桂

巖扉逗綠又涼入小山千樹幽馥仙影懸霜粲夜楚宮
六六明霞洞窅珊瑚冷對清商吟思堪掬麝痕微沁蜂

黃淺約數枝秋足 別有雕闌翠屋任滿帽珠塵拚醉

香玉瘦倚西風誰見露肌侵粟好秋能幾花前笑繞涼

雲重換笛譜銀燭寶屏空曉孤笛譜叢怨月夢回金谷

秋霽 秋日遊西湖

重到西泠記芳園載酒畫舸笛譜橫笛水曲芙蓉渚邊

鷗鷺依依似舊笛譜相識年華笛譜易失段橋幾換垂

楊色謾自惜愁損庾郎雙鬢點華白笛譜雲霜殘蒼

露草怨蝶寒花轉眼西風又成陳跡歎如今才消量減

樽前辜負醉吟筆欲寄遠情秋水隔舊遊空在凭高望

極斜陽亂山浮紫暮雲凝碧

齊天樂

梅

宮簷融暖晨妝懶輕霞未勻酥臉倚竹嬌顰臨溪瘦影
依約樽前重見盈盈笑靨映珠絡玲瓏翠綃葱蒨夢入
羅浮滿衣清露暗香染東風千樹易老怕紅顏漸減
芳意偷變贈遠天寒吟香夜冷笛譜多少江南新怨瓊
疏靜掩任翦雪裁雲競誇新豔畫角黃昏夢隨春去笛譜

共遠

一枝春

酒邊聞歌和寄閒韻

碧淡春姿柳眠醒似怯朝來酥雨芳程乍數喚起探花
情緒東風尚淺甚先有翠嬌紅嫵應自把羅綺圍春占
得畫屏春聚 畱連繡叢深處愛歌雲裊裊低隨香縷
瓊窗夜暖試與細評新譜妝梅媚笛譜粉料無柰弄顰
佯妬還怕裏簾外籠鶯笑人醉語

又 春晚又和韻

簾影移陰杏蕪寒乍溼西園絲雨芳期暗數又是去年
心緒金花謾翦倩誰畫舊時眉嫵空自想楊柳風流淚
滴軟綃紅聚 羅窗那回歌處歎庭花倦舞香銷冰笛譜

衣
縷樓空燕冷碎錦懶尋塵譜
幺弦慢賦曾記笛譜是

倚嬌成妬深院悄門笛譜
掩梨花倩鶯寄語

綠蓋舞風輕白蓮

玉立照新妝翠蓋亭亭凌波步秋綺眞色生香明璫搖
淡月舞裒斜倚耿耿芳心柰千縷情絲縈繫恨開遲不
嫁東風鬢怨嬌藥花底謾卜幽期素手採珠房粉豔
初洗笛譜雨溼鉛腮碧雲深暗聚軟綃清淚訪藕尋蓮

楚江遠相思誰寄棹歌回衣露滿身花氣

玲瓏四犯戲調夢窗

波暖塵香正嫩日輕陰搖蕩清晝幾日新晴初展綺屏

笛譜

紋繡年少恐

忍笛譜

負韶華儘占斷豔歌芳酒柰

笛譜

看

翠簾蝶舞蜂喧催趁禁煙時候

杏腮紅破梅鈿皺

燕歸時

笛譜云燕將歸

海棠廝勾尋芳較晚東風約還約

笛譜無約

字

在劉郎歸

笛譜無歸字

後憑問柳陌舊鶯人比似垂楊誰

瘦倚畫闌無語春恨遠頻回首

拜星月慢

春暮寄夢窗

膩葉陰清孤花香冷迤邐芳洲春換薄酒孤吟悵相如
遊倦想人在絮幕香簾凝望誤認幾許煙檣風幔芳草

天涯負華堂雙燕 記簫聲淡月梨花院
研牋紅漫寫 東風怨一夜落月啼鵑喚
四橋吟纜蕩歸心已過江南 岸清宵夢遠
逐飛花亂幾千萬縷垂楊翦春愁不斷

長亭怨慢

懷舊

記千竹萬荷深處綠淨池臺翠涼亭宇醉墨題香閒簫
橫玉盡吟趣勝流星聚知幾誦燕臺句零落碧雲空歎
轉眼歲華如許 凝竚 笛譜作上
段煞尾 望涓涓一水夢到隔
花窗戶十年舊事儘消得庾郎愁賦燕樓鶴表半漂零
算惟有盟鷗堪語漫倚徧河橋一片涼雲吹雨

臺城路

梅

東風又入江南岸
年年漢宮春早
寶屑無痕
生香有韻
消得何郎花惱
孤山夢繞
記路隔金沙
那回曾到
夜月相思翠樽誰共飲
清醪天寒空念贈
遠水邊憑爲問
春到多少
竹外凝情
牆陰照影
誰見嫣然
一笑吟香未
了
怕玉管西樓一聲霜
曉花自多情
看花人自老

月邊嬌

元夕

酥雨烘晴
早柳盼顰
嬌蘭芽愁醒
九街月淡
千門夜暖
十里寶光
花影塵凝
步韞送豔
笑爭誇
輕俊
笙簫迎曉

翠幕捲天香宮粉 少年紫曲疎狂絮花踪跡夜蛾心
性戲叢圍錦燈簾轉玉拚却舞勾歌引前歡謾省又輦
路東風吹鬢醺醺倚醉任夜深春冷

宴清都

雪川圖

老去閒情懶東風外霏霏

笛譜
菲菲

花絮零亂輕漚漲綠啼

鶉暗碧一春過半尋芳已是來遲怕迤邐年華

笛譜
華年暗

換應

笛譜有
悵字

恨白雪歌空秋霜鬢冷誰管

凭闌自笑

清狂事隨花謝愁與春遠持杯顧曲登樓賦筆杜郎才

減前歡已隔殘照但耿耿臨高望眼邈輕

笛譜
流

紅一棹

歸時半蟾弄晚

梅花引

落梅

瑤妃鸞影逗仙雲玉成痕麝成塵露冷鮫房清淚霰珠
零步繞羅浮歸路遠楚江晚賦宮斜招斷魂 酒醒夢
醒惹新恨褪素妝愁浣粉翠禽夜冷舞香惱何遜多情
委珮殘鈿空想墜樓人欲挽湘褰無處覓倩誰爲覓

笛譜

寄
江南萬里春

瑞鶴仙

湖山繪幅堂

翠屏圍畫錦正柳織煙綃花明春鏡層闌幾回凭看六

橋鶯晚兩隄鷗暝晴嵐隱隱映金璧樓臺遠近謾曾誇
萬幅丹青畫筆畫應難盡 那更二字笛譜作
上段煞尾波涵月

彩露裊蓮妝水描梅影調朱弄粉憑誰寫四時景問玉
奩西子山眉波盼多少濃施淺暈算何如付與吟翁緩
評細品

齊天樂 赤壁重遊

清溪數點芙蓉雨蘋蘼泛涼吹艦洗玉空明浮珠沈濯
人靜籟沈波息仙潢咫尺想翠宇瓊樓有人相憶天上
人間未知今夕是何夕 此生此夜此景自仙翁去後

清致誰識散髮吟商簪花弄水誰伴涼宵橫笛流年暗
惜怕一夕西風井梧吹碧底事閒愁醉歌浮大白

大酺 春陰懷舊

又子規啼荼蘼謝寂寂春陰池閣羅窗人病酒柰牡丹
初放晚風還惡燕燕歸遲鶯鶯聲懶閒罨秋千紅索三
分春過二向剩寒猶凝翠衣香薄傍鴛鴦徑鸚籠一池萍
碎半簷花落 最憐春夢弱楚臺遠空負雨期雲約 笛譜

云空負 朝雲約 謾念想清歌錦瑟翠管瑤樽幾回重 笛譜 醉東

園酌燕麥兔葵 笛譜有 倩誰訪畫闌紅藥况多病腰如

削相如老去賦筆吟牋閒却此情怕人問著

霓裳中序第一

閨思

湘屏展翠疊恨入宮溝流怨葉釭冷金花暗結又鴈影
帶霜蛩音淒月珠寬腕雪歎錦牋芳字盈篋人何在玉

簫舊約忍對素娥說

愁絕

二字笛譜作
上段煞尾

夜砧幽咽任

帳底沈煙漸滅紅蘭誰採贈別洛汜分綃漢浦遺玦舞
鸞光半缺最怕聽離弦乍闕憑闌久一庭香露桂影弄

淒

笛譜

蝶

過秦樓

避暑和寄閒韻

紺玉波寬碧雲亭小冉冉水花

笛譜
楓

香細魚牽翠帶燕

掠紅衣雨急萬荷喧睡臨檻自採瑤房鉛粉沾襟雪絲
縈指喜嘶蟬樹遠盟鷗鄉近鏡奩光裏 簾戶悄竹色
侵棊槐陰移漏晝永簾花鋪水清眠乍足晚浴初慵瘦
約楚囊尺二曲砌虛庭夜深月透龜紗涼生蟬翅看銀
潢瀉露金井啼鴉漸起

聲聲慢

水仙梅

瑤臺月冷珮渚煙深相逢共話淒涼曳雪牽雲一般淡
雅梳妝樊姬歲寒舊約喜玉兒不負蕭郎臨水鏡看清

鉛素靨眞態生香 長記湘臯春曉仙路迴冰鈿翠帶

交相滿飲臺杯休待怨

笛譜
箏

羽吟商凌波又歸甚處問

蘭昌何似唐昌春夢好倩東風畱駐瑣窗

又 菊桂秋荷

妝額黃輕舞衣紅淺西風又到人間小雨新霜萍池蘚
徑生寒輸他漢宮姊妹粲星鈿霞珮珊珊涼意早正金
盤露潔翠蓋香殘 三十六宮秋好看扶疎仙影伴月
長閒寶絡風流何如細蘂堪餐幽香未應便減傲清霜
正自宐看吟思遠負東籬還賦小山

臺城路

闌思

曲屏遮斷行雲夢西樓怕聽疎雨硯凍凝華香寒散霧
呵筆慵題新句長安倦旅歎衣染塵痕鏡添秋縷過盡
飛鴻錦牋誰與笛譜寄愁去 簫臺應是怨別曉寒梳

洗懶依舊眉嫵酒滴爐香花圍座煖閒却珠鞵鈿柱芳
心謾語恨柳外游韉繫情何處暗卜歸期細將梅蘂數

滿庭芳

湘梅

玉沁脣脂香迷眼纈肉紅初暎仙裳湘皋春冷照水暗
浮香誰翦茜雲侵臉含嬌暈微印宮妝

笛譜云湘皋春冷誰翦茜雲香

疑是潘妃乍起霞
侵臉微印宮妝

還疑是壽陽凝醉無語倚含章

絳

綃清淚冷東風寄遠愁損紅孃笑桃凡李俗

笛譜云笑李凡桃俗

蝶喜蜂忙莫把杏花輕比怕杏花不敢承當飄零處還
隨流水應去誤劉郎

乳燕飛

夏遊

波影遙

笛譜搖

連鷺趁薰風一舸來時翠陰清晝去郭軒

楹纔數里蘚磴松關雲岫快屐齒筇枝先後空半危亭
堪聚遠看洞庭縹緲爭奇秀人自老景如舊來帆去
棹還知否問古今幾度斜陽幾回愴首晚色一川誰管

領都付雨荷煙柳知我者燕朋鶯友笑拍闌干呼范蠡
甚平吳却倩垂綸手吁萬古付卮酒

風入松

立春

柳梢煙煖

笛譜
軟

已璉瓏嬌眼試東風情絲又逐青絲亂

剩寒輕猶戀芳權筍玉新裁早燕杏鈿時引晴蜂 當
時蘭柱繫花驄人在小樓東鶯嬌戲索迎春句愛露牋
新染香紅未信閒情便懶探花拚醉瓊鍾

掃花游

寒食

柳花颺白又火冷錫香歲時荆楚海棠似語惜芳情燕

掠錦屏紅舞怕裏流芳暗水啼煙細雨帶愁去歎寂寞
東園空想遊處 幽夢曾暗許柰草色迷雲送春無路
翠丸薦俎掩清樽謾憶舞蠻歌素怨碧飄香料得啼鴉
更苦正愁竚黯春陰倦簫殘鼓

水龍吟

寶山園表裏畫圖

仙山非霧非煙翠微縹緲樓臺亞江蕪海樹晴光雨色
天開圖畫兩岸潮平六橋煙霽晚鈎簾挂自元暉去後
雲情雪意丹青手應難寫 花底朝回多暇倚高寒有
人蕭灑東山杖屨西州賓客笑談風雅貯月盃寬護香

屏暖好天涼

笛譜良

夜樂閒中日月清時鐘鼓結春風社

祝英臺近

攬秀園

步玲瓏尋窈窕瑤草四時碧小小蓬萊花氣透簾隙幾
回翠水荷初蒼崖梅小綺寮掩玉壺春色 柳屏窄

三字

笛譜作上
段煞尾

芳檻日日東風幾陣吹吟筆

笛譜云幾
醉幾吟筆

曲折

花房鶯燕似會

笛譜相

識最憐燈影纔收歌塵初靜畫樓

外一聲秋笛

聲聲慢

九日

橙香小院桂冷閒庭西風鴈影涵秋鳳撥龍槽新聲小



按梁州鶯吭夜聲轉巧凝涼雲應爲歌畱情顧曲歎周

郎老去鬢改花羞

何事登臨感慨倩金焦

笛譜

一洗

千古清愁屢舞高歌作成陶謝風流人生最難一笑拚

樽前醉倒方休待醉也帶黃花須插

笛譜

滿頭

明月引

寄恨

舞紅愁碧晚蕭蕭迥回潮竚仙槁風露高寒飛下紫霞

簫一鴈遠將千里

笛譜

恨懷渺渺翦愁雲風外飄

酒

醒未醒香漸消采江離吟楚招清徽芳筆梅魂冷月影

空描錦瑟瑤樽閒度可憐宵二十四欄愁倚偏空悵望

短長亭長短橋

又 閨怨

鴈霜苔雪冷飄蕭斷魂潮送輕橈翠裏珠樓清夜夢瓊
簫江北江南雲自碧人不見淚花寒向

笛譜

雨飄

愁

多病多腰素消倚清琴調大招江空年晚淒涼句遠意
難描月冷花陰心事負春宵幾度問春春不語春又到
到西湖第幾橋

徵招 九日有懷楊守齋

江籬搖落江楓冷霜空鴈程初到萬景正悲秋

笛譜

奈

曲終人杳登臨嗟老矣問今古清愁多少一夢東園十
年心事恍然驚覺 腸斷紫霞深知音遠寂寂怨琴淒
調短髮已無多怕西風吹帽黃花空自好問誰識對花
懷抱楚山遠九辨難招更晚煙殘照

醉江月

中秋

奩霏淨洗喚素娥睡起平分秋色鴈背風高嬌兔冷露
脚侵衣香溼銀浦流雲珠房迎曉鬢影爭霜白玉樽良
夜與誰同醉瑤席 忍記倚桂分題簪花籌酒處處成
陳迹十二樓空環珮冷惟有孤雲知得如此江山依然

風月月底人非昔知音何許淚痕空漬

笛譜

愁碧

六么令

雪

癡雲翦葉簷滴夜深悄銀城飛捷翠壠占祥豐年報白
戰清吟未了寒鵲驚枝曉鶴迷翠表山陰醉臥今日

笛譜

云山陰今

日醉臥何人問安道

交映虛窗淨沼不許遊塵到

誰念絮帽茸裘歎幼安今老玉鑑脩眉未掃白雪詞新
草冰蟾光皎梅心香動閒看春風上瓊島

又
春雪

迴風帶雨凍澀漏聲悄小窗照影虛白幾誤鄰雞報千

樹天桃

笛譜
天花

綻了鵲立通明曉眼空入表宮袍帶月醉

裏應迷灞陵道

風靜瓊林翠沼片片隨春到吟鞦十

里新隄怪四山青老玉唾珠塵怕掃句冷池塘草白天

寒皎飛瓊何在夢覺

笛譜
覓

梨雲度仙島

聲聲慢

柳花

燕泥沾粉魚浪吹香芳隄十里新晴靜惹遊絲花邊裊

裊扶春多情最憐漂泊記章臺曾挽

笛譜
箱

青青堪愛處

是撲簾嬌軟隨馬輕盈長是河橋三月做一番晴雪

惱亂詩魂帶雨沾衣羅襟點點離痕休綴潘郎鬢影怕

綠窗年少人驚捲春去東風千縷碎雲

憶舊遊

有懷東園

記花陰暎燭柳影飛梭庭戶東風綵筆爭春豔任昏迷

舞裊醉擁歌叢畫簾靜掩芳晝雲翦玉玲瓏

笛譜

瓏柰恨

絕冰絃塵侵

笛譜

翠譜別鳳離鴻

鶯籠怨春遠但翠

冷閒階墜粉飄紅事逐華年換歎水流花謝燕去樓空

繡鴛暗老薇徑殘夢繞雕櫳悵寶瑟無聲愁痕沁碧江

上峯

一作江上
孤峯非是

水龍吟

春晚

燕翎誰寄愁箋

笛譜
榭

天涯望極王孫草新煙換柳光風

浮蕙餘寒尚峭倚杖看雲翦燈聽雨幾番詩酒歎長安

倦客江南舊恨飛花亂清明後隄上垂楊風驟散香

綿輕沾吟裏麴塵兩岸紋波十里暖蒸香透海闊雲深

水流春遠夢魂難勾問鶯邊按譜花前覓句解相思否

又
春恨

舞紅輕帶愁飛寶鞮暗憶章臺路吟香醉雨吹簫門巷

飄梭院宇立盡殘陽眼迷晴樹夢隨風絮歎江潭冷落

依依舊恨人空老柳如許錦瑟華年暗度賦行雲空

題短句晴

笛譜情

絲繫燕么絃彈鳳文君更苦煙水流紅

暮山凝紫是春歸處悵江南望遠蘋花自采寄將愁與

又白蓮

素鸞飛下青冥舞衣半惹涼雲碎藍田種玉綠房迎曉

一奩秋意擎露盤深憶君涼

補題清

夜暗傾鉛水想鴛鴦

正結梨雲好夢西風冷還驚起

應是飛瓊仙會倚

絕妙

好詞作

遊涼颺碧簪斜墜輕妝鬪白

補題目

明璫照影紅衣羞

避霽月三更粉雲千點靜香十里聽湘弦奏徹冰綃偷

翦聚相思淚

天香 龍涎香

碧腦浮冰紅薇染露驪宮玉唾誰搗麝月雙心鳳雲百

和寶釧

補題
缺

珮環爭巧濃薰淺注疑醉度干花春曉金

餅著衣餘潤銀葉透簾微裊素被瓊篝夜悄酒初醒

翠屏深窈一縷舊情空趁斷煙飛繞羅衷餘馨漸少悵

東閣淒涼夢難到誰念韓郎清愁漸老

珍珠簾 琉璃簾

寶階斜轉春宵永雲屏敞霧捲東風新霽光動萬星寒
曳冷雲垂地暗省連昌遊冶事照炫轉熒煌珠翠難比

是鮫人織就冰綃清淚 猶記夢入瑤臺正玲瓏透月
瓊鈎十二金縷逗濃香接翠蓬雲氣縞夜梨花生暖白
浸澹豔一池春水沈醉歸時人在明河影裏

疎影

梅影

冰條木葉又橫斜照水一花初發素壁秋屏招得芳魂
彷彿玉口明滅疎疎滿地珊瑚口全誤却撲花幽蝶甚
美人忽到窗前鏡裏好春難折 閒想孤山舊事浸清
漪倒映千樹殘雪暗裏東風可慣無情攪碎一簾香月
輕妝誰寫崔徽面認隱約煙綃重疊記夢回紙帳殘燈

瘦倚數枝清絕

齊天樂

蟬

槐薰

補題陰

忽送清商

補題冷

怨依稀正鬧

補題乍聞

還歇故苑

愁深

補題長

危弦

補題枝

調苦前夢蛻痕枯葉傷情念別是

幾度斜陽幾回殘月轉眼西風一襟幽恨向誰說 輕

鬟猶記動影翠蛾

補題奩

應妬

補題怪

我雙鬢如雪枝冷頻

移葉疎猶抱辜

補題空

負好秋時節淒淒切切漸迤邐黃

昏砌葦相接露洗餘悲暮煙

補題寒

聲更咽

滿江紅

寄刻中自醉兄

秋水涓涓情渺渺美人何許還記得東堂松桂對牀風
雨流水桃花西塞隱茂林脩竹山陰路二十年歷歷舊
經行空懷古 評硯品臨書譜牋畫史修茶具喜一愚
天稟一閒天付百戰徵求千里馬十年餽飭三都賦問
何如石鼎約彌明同聯句

玉漏遲

題吳夢窗霜花腴詞集

老來歡意少錦鯨仙去紫簫聲杳怕展金奩依舊故人
懷抱猶想烏絲醉墨驚俊語香紅圍繞閒自笑與君共
是承平年少 雨窗短夢難憑是幾口宮商幾番吟嘯

淚眼東風回首四橋煙草載酒倦遊處已換却花間啼
鳥春恨悄天涯暮雲殘照

右上卷詞五十八闕見贇洲漁笛譜者五十闕樂
府補題者三闕

草窗詞卷上

草窗詞卷下

弁陽嘯翁周 密 公謹父

桃源逢故人

閨情

流蘇靜掩羅屏小
春夢苦無分曉
一縷舊情誰表
暗逐餘香裊
相思懶笛譜
寄流紅杏人
瘦花枝多少
郎馬未歸春老
空怨王孫草

南樓令

閨怨

絲雨織鶯梭
浮錢點翠荷
燕風輕庭宇
正清和
苔面唾
茸堆繡徑
春去也
柰春何
宮柳老
青蛾題紅
隔翠波

扇鸞孤塵暗合歡羅門外綠陰深似海應未比舊愁多

又 秋夜

桂影滿空庭秋宵正五更

笛譜云秋更廿五聲

一聲聲都是消凝

新鴈舊蛩相應和禁不過冷清清

酒與夢皆

笛譜俱

醒

病因愁做成展紅綃猶有餘馨暗想芙蓉城下路花可
可霧冥冥

又 秋夜

欹枕聽西風蛩階月正中弄秋聲金井梧

笛譜孤

桐閒省

十年吳下路船幾度繫江楓

輦路又迎逢秋如歸興

濃歎淹留還見新冬湖外霜林秋似錦一片片認題紅

又

開了木芙蓉一年秋已空送新愁千里孤鴻搖落江蘼
多少恨吟不盡楚雲峯往事夕陽紅故人江水東翠
衾寒幾度霜濃夢隔屏山飛不去隨夜鵲繞疎桐

又

好夢不分明楚雲千萬層帶圍寬愁損蘭成玉杵元霜
無笛譜纔咫尺青羽信便沈沈水調夜樓清清宵誰共
聽砑牋紅空賦傾城幾度欲吟吟不就可煞是沒心情

西江月 春情

波影暖浮玉鬢柳陰深鎖金鋪湘桃花褪燕調雛又是
一番春暮 碧柱情深鳳怨雲屏夢淺鶯呼繡窗人倦
冷薰爐簾影搖花亭午

又 茶蘼閣

花氣半侵雲閣柳陰近隔春城畫闌明月按瑤箏醉倚
滿身花笛譜影 翠格素虬晴雪錦籠紫鳳香雲東風

吹玉滿閒庭二十四簾春艷笛譜

又 懷剡

萬壑千巖剌曲朝南暮北樵中

應是樵風因下押東風故改作中耶似不穩

江潭楊柳幾東風猶憶當年手種

鬢雪愁侵秋綠容

華酒借春紅非非是是總成空金谷蘭亭同夢

鷓鴣天

清明

燕子時時度翠簾柳寒猶未褪香綿落花門巷家家雨
新火樓臺處處煙情默默恨慊慊東風吹動畫秋千
刺桐開盡鶯聲老無柰春何祗醉眠

又

清明

相傍清明晴便慳閉門空自惜花殘海棠半拆難禁雨

燕子初歸不柰寒
金鴨冷錦鴝閒
銀缸空照小屏山
翠羅裏薄東風峭
獨倚西樓第幾間

夜行船

秋思

蛩老無聲深夜靜
新霜粲一燈簾影

笛譜云一簾燈影

妬夢鴻

高供

笛譜烘

愁月淺縈亂恨絲難整

笙譜字嬌娥誰靚

笛譜云笙字嬌靚誰爲靚

香襟冷懶

笛譜怕

看妝印繡閣藏春海棠偷

暖還似去年風景

又秋暮

寒菊斂風棲小蝶
簾櫳靜半規涼月
夢不分明恨無憑

據腸斷錦牋盈篋 哀角吹霜寒正怯倚瑤箏暗愁難
說寶獸頻添玉蟲時翦長記舊家時節

杏花天

莫愁

瑞雲盤翠侵宮

笛譜
妝

額眉柳嫩不禁愁積返魂誰染東

風筆寫出郢中春色 人去後垂楊自碧歌舞夢欲尋

無迹愁隨兩槳江南北日暮石城風急

又 昭君

漢宮乍出慵梳掠關月冷玉沙飛幕龍香重指春風弱

笛譜云龍香
撥重春葱弱

一曲哀弦謾託 君恩厚空憐命薄青塚

遠幾番花落丹青自是難描摸不是當時畫錯

又

金池瓊苑曾經醉是
多少紅情綠意東風一枕遊仙睡
換却鶯花人世
漸暮色鶉聲四起正愁滿香溝御水
一色柳煙三十里爲問春歸那裏

點絳脣

冬晚

雪霽寒輕興來載酒移吟艇玉田千頃橋外詩情迴
重到孤山往事和愁醒東風繫水邊疎影誰念梅花冷

又 訪牟存叟南漪釣隱

午夢初回捲簾盡放春愁去晝長無侶自對黃鸝語

絮影蘋香春在無人處移舟去未成新句一硯梨花雨

此闕絕妙好

詞作周晉

戀繡衾

蝶

粉黃衣薄沾麝塵作南華春夢乍醒活計一生花裏恨
曉房香露正深芳蹊有恨時時見趁游絲高下弄晴
生怕被春歸了趕飛紅穿度柳陰

江城子

閨思

玉肌多病怯殘春瘦稜稜睡騰騰清楚衣裳不受一塵

侵香冷翠屏春意靜

笛譜

明月淡曉風清

笛譜

樓中

燕子夢中雲似多情似無情酒醒歌闌誰爲喚真真盡

日瑣窗人不到鶯意懶蝶情

笛譜

深

又擬賀方回○案絕妙好詞題云擬蒲江

羅窗曉色透花明艷瑤笙按瑤箏幾信

絕妙好詞

東風能

有幾分春二十四闌凭玉暖楊柳月海棠陰 依依愁

翠沁雙顰愛鶯聲怕鵲聲人自多情春去自無情把酒

問花花不語花外夢夢中雲

謁金門

春

花不定燕尾翦開紅影幾點露香蜂趕趁日遲簾幙靜
試把翠蛾輕暈愁薄寶臺鸞鏡屈指一春將次盡歸
期猶未穩

又 吳山觀濤

天水碧染就一江秋色鼇戴雪山龍起蟄快風吹海立
數點煙鬟青滴一杼霞綃紅溼白鳥明邊帆影直隔
江聞夜笛

又 春晚

芳事晚數點杏鈿香淺惻惻輕寒風翦翦錦屏春夢遠

穉柳拖煙嬌軟花影暗藏深院初試輕衫并畫扇牡
丹紅未展

眼兒媚

閨情

飛絲半溼乍

笛譜
卷

歸雲愁裏又聞鶯淡月秋千落花庭

院幾度黃昏十年一夢揚州路空有少年心不分不
曉厭厭默默一段傷春

好事近

佳人

秋水浸芙蓉清曉綺窗臨鏡柳弱不勝愁重染蘭膏微
沁下階笑折紫玫瑰蜂蝶撲雲鬢回首見郎羞走罨

繡裙微褪

又寄遠

輕翦楚臺雲玉影半分秋月一晌淒涼無語對殘花么
蝶碧天愁鴈不成書郎意似秋葉閒展鴛綃殘緒

笛譜

譜
捲淚花雙疊

浪淘沙

春晚

芳草碧茸茸染恨無窮一春心事雨聲中窄索宮羅寒
尙悄閒倚薰籠猶記粉闌東同醉香叢金鞍何處驟
驂驄裊裊綠窗殘夢斷紅杏東風

又

柳色淡如秋蝶懶鶯羞十分春事九分休
開盡楝花寒尚在怕上簾鉤
京洛少年遊誰念淹留東風吹雨過
西樓殘夢宿醒相合就一段新愁

浣溪沙

春憶

不下珠簾怕燕嗔旋移芳檻引流鶯
春光却早又中分

杏火無煙燃綠暗梨雲有

笛譜如

雪冷清明冶游天氣

冶游心

又

絲雨籠煙織曉

笛譜
晚

晴睡餘春酒未全醒翠鈿輕脫隱

香痕

生怕柳綿縈舞蝶戲拋梅彈打流

笛譜
啼

鶯最難

消遣是殘春

又

紫清道院

竹色苔香小院深蒲團茶鼎掩山扃長松掃盡

笛譜
吹淨

世

間塵

靜養金芽文武火時調玉軫短長清石牀閒臥

看秋雲

清平樂

閨院

吹梅聲咽簾捲初弦月一寸春霏消蕙雪愁染垂楊帶

結 畫橋平接金沙軟紅淺隔兒家燕子未歸門掩晚
妝空對菱花

又

曉

笛譜
晚

鶯嬌咽庭戶溶溶月一樹湘桃飛茜雪紅豆相

思漸結

看看芳草平沙遊韉猶未歸家自是蕭郎飄

泊

笛譜
蕩

錯教人恨楊花

又 橫玉亭

詩情畫意只在闌干外雨露天低生爽氣一片吳山越
水 宮煙醉柳春晴海風洗月秋明喚取九霞飛珮夜

涼跨鶴吹笙

又夏景

小橋縈綠密翠藏吟屋千頃風煙森萬玉依約輞川韋
曲臨流照影何人悠然倚杖看雲柳色翠迷山色泉
聲清和蟬聲

又杜陵春遊

錦城春曉苑陌芳菲早可是杜陵人未老日日酒迷花
惱歸鞦韆困倚芳醒醒來還有新吟人與杏花俱醉春
風一路聞鶯

又

圖書一室春暖垂簾隙

絕妙好詞云
春暖垂簾密

花滿翠壺薰硯席

睡覺半窗晴日

手寒不了殘棊籌香細助唐碑無酒

無詩情緒欲梅欲雪天時

案此闕絕妙好詞作周晉

鳳棲梧

生香亭

竹窈花深連別墅曲曲迴廊小小閒庭宇忽地香來無

覓處杖藜閒趁遊蜂去

老桂疑

笛譜
懸

秋森玉樹澗底

孤芳冉冉吹詩句一掬幽情知幾許鈎簾半畝藤花雨

少年遊

松風蘭露滴崖陰
瑤草入簾青
玉鳳驚飛翠蛟時
舞噴

薄濺春雲
冰壺不受人間暑
幽草嘒珍禽
花外琴臺

竹邊碁墅處處
笛譜有是字
閒情

又宮詞擬小山
○絕妙好詞云擬梅溪

簾綃寶相

絕妙好詞云
簾銷寶篆

捲宮羅
蜂蝶撲飛梭
一樣東風

燕梁鶯戶

絕妙好詞院

那處春多

曉妝日日隨香輦
多在

牡丹坡花深深處
柳陰陰處
一片笙歌

吳山青

無心處
茅亭

山青青
水泠泠
養得風煙數畝成
乾坤一草亭
雲無

心竹無心我亦無心似竹雲歲寒同此盟

又 春晴

燈輝輝月輝輝帳煖香深春漏遲夢回聞子規 欲成
詩未成詩生怕春歸春又歸花飛花未飛

柳梢青

梅○案蘋洲漁笛譜有小序

約略春痕吹香新句照影清尊洗盡時妝效顰西子不
負東昏 金沙舊事休論儘消得東風返魂一段清真
風前孤驛雪後前村

又 梅

萬雪千霜禁持不過玉雪生香水部多情杜郎老去去
惱愁腸 天寒野嶼空廊靜倚竹無人自香一笑相逢
江南江北竹屋山窗

又梅

暎水穿籬新霜微月小藥疎枝幾許風流一聲龍竹半
幅鵝谿 江頭悵望多時欲待折相思寄伊真色真香
丹青難寫今古無詩

又梅

夜鶴驚飛香浮翠蘚玉點冰枝古意高風幽人空谷靜

女深幃 芳心自有天知任醉舞花邊帽欹最愛孤山
雪初晴後月未殘時

又 楊花

似霧中花似風前雪似雨餘雲本自無情點萍成綠却
又多情 西湖南陌東城甚管定年年送春薄倖東風
薄情遊子薄命佳人 案此闕絕妙好詞作周晉

四字令 訪友不遇

殘月半籬殘雪半枝孤吟自款柴扉聽猿啼鳥啼 人
歸未歸無詩有詩水邊竚立多時問梅花便知

醉落魄

洪仲魯之江西書以爲別

寒侵徑葉鴈風擊碎珊瑚屑
硯涼閒試霜晴帖頌菊騷
蘭秋事正奇絕 故人又作江西別
書樓虛度中秋節
碧闌倚徧愁誰說
愁是新愁月是舊時月

祝英臺近

后溪次韻日熙堂主人

滯餘醒尋舊雨愁與病相半
綠意陰陰絲竹靜深院絕
憐事逐春移淚隨花落似
翦斷鮫房珠串 喜重見爲
誰倦酒慵詩筭屏掩雙扇
白髮潘郎羞見看花伴可堪
好夢殘時新愁生處煙月冷
子規聲斷

甘州 燈夕書寄二隱

漸萋萋芳草綠江南輕暉弄春容記少年遊處簫聲巷
陌燈影簾櫳月煖烘鑪戲鼓十里步香紅欹枕聽新雨
往事朦朧 還是江絕妙好詞
有南字春夢曉怕等閒愁見鴈
影西東喜故人好在水驛寄詩筒數芳程漸催花信送
歸帆知第幾番風空吟想梅花千樹人在其中

又 題疎寮園

信山陰道上景多奇仙翁幻吟壺愛一丘一壑一花一
草窈窕扶疎染就春雲五色更種玉千株咳唾騷香在

四壁驪珠 曲折冷紅幽翠涉流花澗淨步月堂虛羨
風流魚鳥來往賀家湖認秦鬟越妝窺鏡倚斜陽人在
會稽圖圖多賞池香洗硯山秀藏書

齊天樂

次二隱寄梅

護春簾幕東風裏當年問花曾到玉影孤寒冰痕半折
漠漠凍雲迷道臨流更好一作妙正雪意逢迎陰光相照
夢入羅浮古苔啁啾翠禽小 一枝空念贈遠遡波流

不到心事誰表倚竹天寒吟香夜冷幾度月昏霜曉尋
芳欠早怕鶴怨山空鴈歸書少不恨春遲恨春容易老

憶舊遊

寄王聖與

記移燈翦雨換火篝香去歲今朝乍見翻疑夢向梅邊
攜手笑挽吟橈依依故人情味歌舞試春嬌對婉婉年
芳漂零身世酒趁愁消 天涯未歸客望錦羽沈沈翠
水迢迢歎菊荒薇老負故人猿鶴舊隱誰一作難招疎花
謾撩愁思無句到寒梢但夢繞西冷空江冷月魂斷隨
潮

聲聲慢

送王聖與次韻

瓊壺歌月白髮簪花十年一夢揚州恨入琵琶小憐重

見灣頭尊前謾題金縷奈芳情已逐東流還送遠甚長
安亂葉都是閒愁 次第重陽近也看黃花綠酒也合
遲畱脆柳無情不堪重繫行舟百年正消幾別對西風
休賦登樓怎去得怕淒涼時節團扇悲秋

踏莎行

題中仙詞卷

結客千金醉春雙玉舊遊宮柳藏仙屋白頭吟老茂陵
西清平夢遠沈香北 玉笛天津錦囊昌谷春紅轉眼
成秋綠重翻花外侍兒歌休聽酒邊供奉曲

右下卷五十七闕見蕢洲漁笛譜者四十一闕絕妙

好詞選六闋點絳脣午夢初回一闋清平樂圖書
一室一闋借刻周晉晉字叔明卽公謹之父也

草窗詞卷下

草窗詞補上

夷則商國香慢

賦子固凌波圖

玉潤金明記曲屏小几翦葉移根經年汜人重見瘦影
娉婷雨帶風襟零落步雲冷鵝筦吹春相逢舊京洛素
靨塵淄仙掌香凝 國香流落恨正冰鋪翠薄誰念遺
簪水天空遠應念簪弟梅兄渺渺魚波望極五十弦愁
滿湘雲淒涼耿無語夢入東風雪盡江清

一萼紅

登蓬萊閣有感

步深幽正雲黃天淡雪意未全休鑑曲寒沙茂林煙草

俛仰千古悠悠歲華晚漂零漸遠誰念我同載五湖舟
磴古松斜厓陰苔老一片清愁 回首天涯歸夢幾魂

飛西浦淚灑東州故國山川故園心眼還似王粲登樓
最負他秦鬟妝鏡好江山何事此時遊爲喚狂吟老監

共賦銷憂

閣在紹興西浦
東州皆其地

掃花游

九日懷歸

江籬怨碧蚤過了霜花錦空洲渚孤蛩自語正長安亂
葉萬家砧杵塵染秋衣誰念西風倦旅恨無據悵望極
歸舟天際煙樹 心事曾細數怕水葉沈紅夢雲離去

情絲恨縷倩回紋爲織那時愁句鴈字無多寫得相思
幾許暗凝竚近重陽滿城風雨

三姝媚

送聖與還越

淺寒梅未綻正潮過西陵短亭逢鴈秉燭相看歎俊游
零落滿襟依黯露草霜花愁正在廢宮蕪苑明月河橋
笛外樽前舊情消滅莫訴離觴深淺恨聚散匆匆夢
隨颿遠玉鏡塵昏怕賦情人老後逢淒惋一樣歸心又
喚起故園愁眼立盡斜陽無語空江歲晚

獻仙音

弔雪香亭梅

松雪飄寒嶺雲吹凍紅破數椒春淺襯舞臺荒宛妝池
冷淒涼市朝輕換歎花與人凋謝依依歲華晚 共淒
黯問東風幾翻吹夢應慣識當年翠屏金輦一片古今
愁但廢綠平煙空遠無語銷魂對斜陽衰草淚滿又西
冷殘笛低送數聲春怨

高陽臺

送陳君衡被召

照野旌旗朝天車馬平沙萬里天低寶帶金章樽前苜
帽風欹秦關汴水經行地想登臨都付新詩縱英遊疊
鼓清笳駿馬名姬 酒酣應對燕山雪正冰河月凍曉

隴雲飛投老殘年江南誰念方回東風漸綠西湖柳鴈
已還人未南歸最關情折盡梅花難寄相思

慶宮春

送趙元父過吳

重疊雲衣微茫鴻影短篷穩載吳雪霜葉敲寒風燈搖
暈棹歌人語嗚咽擁衾呼酒正百里冰河乍合千山換
色一鏡無塵玉龍吹裂夜深醉踏長虹表裏空明古
今清絕高堂在否登臨休賦忍見舊時明月翠銷香冷
怕空負年芳輕別孤山春早一樹梅花待君同折

高陽臺

寄越中諸友

東坡詩集卷一
一
小雨分江殘寒迷浦春容淺入蒹葭雪霽空城燕歸何
處人家夢魂欲渡蒼茫去怕夢輕還被愁遮感流年夜
汝東還冷照西斜 淒淒望極王孫草認雲中煙樹鷗
外春沙白髮青山可憐相對蒼華歸鴻自趁潮回去笑
倦游猶是天涯問東風先到垂楊後到梅花

探芳信

西冷春感

步晴晝向水院維舟津亭喚酒歎劉郎重到依依漫懷
舊東風空結丁香怨花與人俱瘦甚淒涼暗草沿池冷
苔侵鬢 橋外晚風驟正香雪隨波淺煙迷岫廢苑塵

梁如今燕來否翠雲零落空隄冷往事休回首最銷魂
一片斜陽戀柳

傲顰十解

內江城子擬蒲江一闕少年游宮詞擬梅溪一闕已見本集不錄

四字令

擬花間

眉消睡黃春凝淚妝玉瓶水暖微香聽蜂兒打窗 箏
塵半牀綃痕半方愁心欲訴垂楊柰飛紅正忙

西江月

延祥觀拒霜擬稼軒

綠綺紫絲步障紅鸞綵鳳仙城誰將三十六陂春換得
兩隄秋錦 眼纈醉迷朱碧筆花俊賞丹青斜陽展盡

趙昌屏羞死舞鸞妝鏡

好事近

擬東澤

新雨洗花塵撲撲小庭香溼早是垂楊煙老漸嫩黃成
碧 晚簾都捲看青山山外更山色一色梨花新月伴
夜窗吹笛

西江月

擬花翁

情縷紅絲冉冉啼花碧裏熒熒迷香雙蝶下庭心一行
悄悄簾影 北里紅紅短夢東風鴈鴈前塵稱銷不過
牡丹情中半傷春酒病

醉落魄 擬參晦

憶憶憶宮羅褶褶銷金色吹花有盡情無極淚滴空
簾香潤柳枝溼 春愁浩蕩湘波窄紅蘭夢繞江南北
燕鶯都是東風客移盡庭陰風老杏花白

朝中措 茉莉擬夢窗

綵繩朱乘駕濤雲親見許飛瓊多定梅魂纔返香瘢半
掐秋痕 枕函釵縷熏篝芳焙兒女心情尚有第三花
在不妨畱待涼生

醉落魄 擬二隱

餘寒正怯金釵影卸東風揭舞衣絲損愁千褶一縷楊
絲猶是去年折臨窗擁髻愁誰說花庭一寸燕支雪
春花似舊心情別待摘玫瑰飛下粉黃蝶

浣溪沙

擬梅川

蠶已三眠柳二眠雙竿初起畫鞦韆鶯籠風響十三絃
魚素不傳新信息鸞膠難續好姻緣薄情明月幾番

圓

踏莎行

與莫兩山談邗城舊事

遠草情鍾孤花韻勝一樓簷翠生秋暝十年二十四橋

春轉頭明月簫聲冷
賦藥才高題瓊語俊蒸香壓酒
芙蓉頂景畱人去怕思量桂窗風露秋眠醒

以上十八闕從絕妙好詞補

草窗詞補上

草窗詞補下

減字木蘭慢

西湖十景

蘇隄春曉

恰芳菲夢醒濛濛殘月轉湘簾正翠崦收鐘形墀放仗臺
榭輕煙東園夜遊乍散聽金壺逗曉歇花籤宮柳微開
露眼小鶯寂妬

蓉塘詩話
作最泥

春眠

冰匳黛淺紅鮮臨曉

鑑

蓉塘詩
話作鏡

競晨妍怕誤却佳期宿妝旋整忙上雕軒都

綠探芳起早看隄邊早有已開船薇帳殘香淚螭有人

病酒慙慙

平湖秋月

碧霄澄暮靄引瓊駕碾秋光看翠闕風高珠樓夜午誰
搗元霜滄茫玉田萬頃趁仙查只赤接天潢髮髯凌波
步影露濃珮冷衣涼 明璫淨洗新妝隨皓彩過西廂

正霧衣香潤雲鬟紺溼私語相將鴛鴦誤驚夢曉

蓉塘詩話

作曉夢

掠芙蓉度影入銀塘十二闌干竚立鳳簫怨徹清

商

斷橋殘雪

覓梅花信息擁吟衷暮鞭寒自放鶴人歸月香水影詩
冷孤山等閒半寒暝暖看融城御水到人閒瓦隴竹根
更好柳邊小駐游鞍 琅玕半倚雲灣孤棹晚載詩還
是醉魂醒處畫橋第二箇月初三東欄有人步玉怪冰
泥沁溼錦鷓斑還見晴波漲綠謝池夢草相關

雷峯落照

塔輪分斷雨倒霞影漾新晴看滿鑑春紅輕撓占岸疊
鼓收聲簾旌半鈎待燕料香濃徑遠攬蜂程芳陌人扶
醉玉路傍懶拾遺簪 郊垞未厭游情雲暮合漫銷凝

想罷歌停舞煙花露柳都付棲鶯重闥已催鳳鑰正鈿
車繡勒入爭門銀燭擎花夜暖禁街淡月黃昏

麴院風荷

軟塵飛不到過微雨錦機張正蔭綠池幽交枝徑窄臨
水追涼宮妝蓋羅障暑泛青蘋亂舞五雲裳迷眼紅綃
絳絲翠深偷見鴛鴦湖光兩岸瀟湘風薦爽扇搖香
算惱人偏是縈絲露藕連理秋房涉江采芳舊恨怕紅
衣夜冷落橫塘折得荷花忘卻棹歌唱入斜陽

花港觀魚

六橋春浪暖漲桃雨鱖初肥正短棹輕蓑牽筍苕帶縈

網蕪絲依稀岸紅遡遠漾

蓉塘詩話作泛

仙舟誤入武陵溪何

處金刀膾玉畫船傍柳頻催芳隄漸滿斜暉舟葉亂

浪花飛聽暮榔聲合鷗沈暗渚鷺起煙磯忘機

蓉塘詩話作漣

漪夜深浪靜任煙寒自載月明歸三十六鱗過卻素牋

不寄相思

南屏晚鐘

疎鐘敲暝色正遠樹綠恹恹看渡水僧歸投林鳥聚煙
冷秋屏孤雲漸沈鴈影尚殘簫倦鼓別遊人宮柳棲鴉

未穩露稍已挂疎星
重城禁鼓催更羅裊怯暮寒輕
想綺疏空掩鸞綃翳錦魚鑰收銀蘭燈伴人夜語怕香
銷漏永著溫存猶憶回廊待月畫闌倚徧桐陰

柳浪聞鶯

晴空搖翠浪晝禽靜霽煙收聽暗柳啼鶯新簧弄巧如
度秦謳誰紉翠絲萬縷颺金梭宛轉織芳愁風裊餘音
甚處絮花三月宮溝扁舟纜繫輕柔沙路遠倦追遊
望斷橋斜蓉塘詩
話作殘日蠻腰競舞蘇小牆頭偏憂杜鵑喚
去鎮綿蠻竟日挽春畱啼覺瓊疏午夢翠丸驚度西樓

三潭印月

遊船人散後正蟾影印

蓉塘詩話作瀉

寒湫看冷沁鮫眠清宐

兔浴皓彩輕浮扁舟泛天鏡裏遡流光澄碧浸明眸栖

鷺空驚碧草素鱗遠避金鉤臨流萬象涵秋懷渺渺

水悠悠念漢臯遺珮湘波步襪空想仙游風收翠奩乍

啟度飛星倒影入芳洲瑤瑟誰彈古怨渚宮夜舞潛虬

兩峯插雲

碧尖相對處向煙外挹搖岑記舞鷺啼猿天香桂子曾
去幽尋輕陰易晴易雨看南峯淡日北峯雲雙塔秋擎

露冷亂鐘曉送霜清
登臨望眼增明
沙路白海門青
正地幽天迴水鳴
山籟風奏松琴
虛楹半空聚遠倚闌
干暮色與雲平
明月千巖夜午
遡風跨鶴吹笙

浪淘沙

新雨洗晴空
碧淺眉峰
翠樓西畔畫橋東
柳線嫩黃纔
半染眼
眼東風
繡戶掩芙蓉
帳減香筒
遠煙輕靄弄
春容
鴈鴈未歸
鶯未到
誰寄愁紅

浣溪沙

幾點紅香入玉壺
幾枝紅影上金鋪
晝長人困闌擣蒲

無
花徑日遲蜂課蜜杏梁風軟燕調雛茶麝開了有春

又

波影搖花碎錦鋪竹風清泛玉扶疎畫屏紋枕小紗廚
合色麝囊分翠繡夾羅螢扇縷金書十分涼意淡妝
梳

又

淺色初裁試暖衣畫簾斜日看花飛柳搖蛾綠妬春眉
象局懶拈雙陸子寶弦愁按十三徽試憑新燕問歸

期

東風第一枝

早春

草夢初回柳眠未起新陰纔試花訊雛鴛迎曉偎香小
蝶舞晴弄影飛梭庭院早已覺日遲人靜畫簾輕不隔
春寒旋減酒紅香暈吟欲就遠煙催暝人欲醉晚風
吹醒瘦肌羞怯金寬笑靨暖融粉沁珠歌緩引更巧試
杏妝梅鬢怕等閒虛度芳期老卻翠嬌紅嫩

菩薩蠻

霜風漸入龍香被夜寒微澀宮壺水滴滴是愁聲聲聲

滴到明 夢魂隨鴈去飛到顰眉處鴈已過西樓又還
和夢愁

憶舊遊

落梅

念芳鈿委路粉浪翻空誰補春痕竚立傷心事記宮簷
點鬢候館霑襟東君護香情薄不筦徑雲深歎金谷樓
危避風臺淺消瘦飛瓊 梨雲已成夢謾蝶恨淒涼人
怨黃昏撚殘枝重嗅似徐娘雖老猶有風情不禁許多
芳思青子漸成陰怕酒醒歌闌空庭夜月羌筦清

倚風嬌近

填霞翁譜賦大花

雲葉千重麝塵輕染金縷弄嬌風軟霞綃舞花國選傾
城暖玉倚銀屏綽約娉婷淺素宮黃爭嫵 生怕春知
金屋藏嬌深處蜂蝶尋芳無據醉眼迷花映紅霧修花
譜翠毫夜溼天香露

英臺近

燭搖花香裊穗獨自柰春冷過了收燈纔始作花信無
端雨外餘醒鶯邊殘夢又還動惜芳心性忍重省 幾
多綠意紅情吟牋倩誰整香減春衫老卻舊荀令小樓
深閉東風曲屏斜倚知他是爲誰成病

風入松

立春日卽席次寄開韻

柳梢煙軟已
璉瓏嬌眼試
東風情絲又
逐青絲亂剩
寒輕猶戀芳
權筍玉新裁
早燕杏鈿時
引晴蜂
當時蘭
柱繫花驄
人在小樓東
鶯嬌戲索迎
春句愛露牋
新染香紅未
信閒情便懶
探花拚醉瓊
鍾

朝中措

東山茶壑

桐陰薇影小
闌干晝永瑣
窗閒當日清
談賭墅風流
猶記東山
犀奩象局驚
回槐夢飛
雹生寒自有
仙機活著未
應衷手旁觀

清平樂 三白圖

靜香真色花與人爭白
屬玉雙飛煙月夕
點破一匳秋碧
翠羅裏薄天寒
笛聲何處關山手
撚一枝春色東風
怨入江南

香珠未 以上二十二闕從蘋洲漁笛譜補

草窗詞補下

古書流通處景印

題草窗詞卷後

踏莎行

吾竹毛翊元白

顧曲多情尋芳未老一庭風月知音少夢隨蝶去恨牆
高醉聽鶯語嫌籠小紅燭呼盧黃金買笑彈絲跼躑
長安道綵牋拈起錦囊花綠窗畱得羅裙草

又

中仙王沂孫

白石飛仙紫霞淒調斷歌重恨知音少沈沈幽夢小池
荒依依芳意閒庭悄

絕妙好詞云斷歌人聽知音少幾番幽夢欲回時舊家池館生春草

風月交遊山川懷抱憑誰說與春知道空畱遺

絕妙好詞

單位	研究圖書館
來源	蘇州圖書館
登記	71.10.6

作
離恨滿江南相思一夜蕢花老

清平樂

遜翁李萊老

日寒風細庭館浮花氣白髮潘郎吟欲醉綠暗靡蕪十里
西園南浦東城一春多少閒情日暮采蘋歌遠夢
中喚得愁醒

浣溪沙

漫翁李彭老

商隱

玉雪庭心夜色空移春小檻鬪春紅輕衫短帽醉歌鐘
綵扇舊題煙雨外玉簫新譜燕鶯中闌干到處是春

風

